

صاحبی ، مدیری ، محرری :



آبونه بدلی :

سنه لکي ۱۰۰ غروش

آلتي آيلني ۵۰ »

اوج آيلني ۲۵ »

مخبر

۱۳۳۸

اداره خانه سی :
شهزاده باشندہ (تعالیٰ اسلام)
جمعیتی مرکز عمومی
مرکز توزینی :
باب عالی جاده سنگہ (اتحاد)
تجارت (کتب خانہ سی)
اسلامک نفعنہ خادم مقالات
مع الشکر قبول و درج اولو نور

کان یازیدن شایان قبول کورولنار تاریخ
صیراسیلہ درج اولو نور .

دینی ، علمی ، ادبی ، اجتماعی و شمیریک شہری
جموعہ اسلامیدور

یازانک شخصی دکل : یازنک احمیتی
نظر دفتہ آیلنیر .

عدد : ۹

۱۳۳۹ رجبہ مخصوص نسخہ

فی ۷ بوجوق غروش

منبرہات :

مخبر دینی : ابتاہ - حاجی نجیب . ایکنجی جواب ، تائیل و تصاویر - اسکیللی محمد عاطف . مناظرہ استادان مناسبتاہ -
ارمناکلی صفوت .
مخبر تاریخی : رجب الفرد - طاہر المولوی . خاندان علم و معرفت - محمد عزت و محمد عارف .
مخبر ادبی : قطعہ معراجیہ - سعود المولوی . نعت شریف - احمد شعی . نیازم - سعود المولوی . ایران ادبیاتی - دارالفنون
مدرسارندن فرید .
مخبر انتقادی : (اکثر) و (بعض) کلہ لری حقندہ .
علاوہ : ہند ماصالیری

۲

سحر لرگده کی انوار مهر ایماندر
افق لرگده کی سسلر صدای قرآندر
سکا مدینه توحید دینسه شایاندر
بورفته سبب محض آل عثماندر
خدا براقسون ای بلده ! یاد النده سنی

۳

برر نشانه توحیددر مناره لرك
برر چراغ الهی بتون ستاره لرك
قبور ایچنده نهفته عظام پاره لرك
موحدینه طانددر اکثری ، بشرك
خدا براقسون ای بلده ! یاد النده سنی

۴

بش آلتی عصر شهادت ایدر بو دعوامه
مقر وجلوه که اولدک لوای اسلامه
اذان صدالری کافی مرامی افهامه
جوامعک طورویور قارشی کفر واوهامه
خدا براقسون ای بلده ! یاد النده سنی

۵

شو آبدات کیمک ؟ آفتاب وماء بیلیر
سما ، زمین بیلیر ، انسان بیلیر ، کیم بیلیر
کوکل سنی بتون اسلام ایچون پناه بیلیر
حریمکی بتون اسلامه داد کاه بیلیر
خدا براقسون ای بلده ! یاد النده سنی

۶

مسلمان اوغلی مسلمان ، ستوده اجدادم
آنام بابام ، باباسی ، جدی ، زوجهم ، اولادم
درون خا ککه مودوع ، بونلری یادم
بجا دکلی ، سکونت بولورمی فریادم ؟
خدا براقسون ای بلده ! یاد النده سنی

۷

موحدینه وجیهه دعای عثمانی
بقای دینه علامت بقای عثمانی
سنکله قائم اساس بنای عثمانی
سنکده باعث شانک لوای عثمانی
خدا براقسون ای بلده ! یاد النده سنی

۸

سما لرگده ملکک ، فضالرگده هوا
مشاجرگده هزاران طیور نفهه سرا ،
شو کلشنکده کی کلر ، شو بابل شیدا
ایدر بو مصرعی تکرار وعن صمیم دعا
خدا براقسون ای بلده ! یاد النده سنی

سعودالمولوی



ایران ادبیاتی

یوقاریده سولدیکنز وجهله بز وزن عروضی ایله
اشکال نظمی ایرانیلردن آلدق . نژدهده آنلری تقلید
ایتدک . بوندن دولایی لسانز فارسی لسانک هیولاسنه
منطبق برصورتیه اقتران ایتدی . فارسینک لسانزه حاکم
اولان یوقسهی عجملرک اسلامی قبوللرینی متعاقب تداوله
باشلایان لساندر .

« رودکی » اسمنده براعمای مادرزاده ، بولسانک ایلک
شاعری اولوق اوزره کوستریلیورسهده ، ایران تاریخ
ادبیاتی آندن اول دهها بعض شاعرلرک موجودیتلرینی
خبر ویریور . مع ذلک « رودکی » یه ایران ادبیاتنک اک
مهم رکنی ، ایران شعرینک واضع مشهوری نظریله باقیله بیلیر .
وجودخاله لامسه سیله استدلال ایدن بوشاعره ، موسیقی
آلترندن « رود » دنیلان برسازی غایت کوزهل چالیدی ،

یاخود بخارا مضافاتندن «رودک» قریه سنده دوعدیغی
ایجون «رودکی» لقبیه تلقیب اولمشدر .

رودکی ، سامانیلردن «نصر بن احمد» ک ندمای
عدادینه التحاق ایش ایدی . برچوق آثارشعر بر اقدقدن
بشقه .. هندیلیرک «کلیله دمنه» عنوانلی اثرلرینی ده نظاماً
فارسی به ترجمه ایشدر .

سامانیلر دورنده یاشایان مشهور شاعرلردن بری ده
طوسی (دقیق) در . بوشاعر مقتول ، اسکی ایران شاهلرینک
تاریخی ، افسانی مناقب حای برشنامه تألیفه باشلادیسه ده
المجربیک بیت قدر نظم ایده بیلدی . فردوسی رؤیاسنده
دقیق دن آلدیغی امر اوزرینه شهنامه یی تألیفه باشلادیغی ،
دقیقینک نظم ایلدیکی بیک بیی اثرینه درج ایتدیکنی
سویله یور .

خراسان ، ماوراءالنهر شاعرلری نظمده عربلری
تقلیده باشلادقلردن فخرالدوله دیلمی زماننده ظهور
ایدن (بندار رازی) اووادی به سلوک ایله عربی ، فارسی ،
دیلمی لسانلری اوزره منظومه لر یازاردی .

محمود غزنوی محب علم و معرفت بر پادشاه اولدیغندن
زمان حکومتنده غزنه سرای بر مؤسسه عرفان حالی
آلمش ایدی . سلطان محمود اریکه سلطنتک یانه برده
سلطنت ادبیه تختی وضع ایتدیره رک زماننک اک مشهور
شاعری اولان (عنصری) یی اوتخته اجلاس و (ملک الشعرا)
عنوانیله تجیل ایتدی . عنصرینک معیتده یوزلرجه شاعر
وار ایدی . بونلر طرفندن پادشاهک مآثر و مفاخرینی
جامع اولق اوزره نظم ایدیلن قصیده لر اولا عنصرینک
نظر تدقیقندن کچر ، آدن صکره سلطان محمود عرض
اولتور ایدی . سیستلی «عسجدی» ایله هراتلی «فرخی»
غزنه سراینده تأسس ایدن بوسلطنت ادبیه نک اک متنفذ
ارکانندن ایدیلر .

ایرانک اک معظم بر آبدء معرفتی وجوده کتیره

«فردوسی» طوسی «ده اوسرایه انتساب ایش ، سلطان
محموددن آلدیغی امره امثالاً «شهنامه» یی نظمه ایشلامش
ایدی .

سلطان محمودک فردوسی به اولان توجهی حاصلرک
غزلیله زواله یوز طوتدیغندن فردوسی شهنامه یی بیتروب
پادشاهه تقدیم ایتدیکی زمان تقدیرده بابل آجی بر تحقیر
کوردی .

غزنوینک جائزه اوله رق ویردیکی پاره یی بر کونده ،
همده بک خسیس مواضعده استهلاک ایلیرک غزنه دن
چکلدی . ایجه بر زمان مختلف محملرده دولاشدقدن
صکره یکانه سرمایه حیاتی سکسان شوقدر سنه یی آرقه سنه
یوکلنمش ، بو بارکرانک آلتنده بلی بوکولمش اولدی
حالده وطنه عودت ایتدی .

محمود غزنوی برکون بر مناسبتله فردوسی یی خاطر لایوب
حقنده روا کوردیکی قدر ناشناسانه معامله دن طولای
وجداننده ندامته شیه بر حال حس ایتدی . بعض هدایا
ارسالیله شاهر هر مرسیده نک کوکلی آلق ایستدی .
نه فائده که بوهدیه لری کتیرن دوه لر طوسک بر قاپوسندن
کیررکن فردوسینک مطیه واپسینی ده شهرک اوبرقاپوسندن
چیقوردی .

شهنامه ناظمی حقنده (سوز عالم بالادن زمینه ایش
ایدی ، فردوسی تکرار آتی عالم بالایه چیقاردی) دینمشدر .
بوسوز فردوسی حقنده کی مدایحک هم اک وجیزی ، هم
اک محقیدر .

(مابعدی وار)

قریب

